

《佛說無量壽經》 補充講表

◎附表三十七：以下糅合《佛說無量壽經甄解》

○譬如劫水彌滿世界，其中萬物沈沒不現，混漾浩汗，唯見大水，彼佛光明，亦復如是。

※唐譯云：「譬如大地，洪水盈滿，樹林山河，皆沒不現，唯有大水。」

◆此言洪水，與今劫水別，今所謂劫水者，大三災中，水災是也。

◆混漾：音讀ㄉㄨㄥˋ ㄩㄥˋ，水深廣貌，深且無邊無際的樣子。

◆浩汗者：水勢盛大的樣子。

◆比喻一切世界，所有萬物，悉光明所照映，而不見餘物相，唯見同一金光色也。

○汝見彼國，從地已上，至淨居天，其中所有微妙嚴淨自然之物，為悉見不？

※宋譯云：「爾時世尊，告慈氏菩薩言：汝見極樂世界功德莊嚴，宮殿樓閣，園林臺觀，

流泉浴池不？慈氏汝見欲界諸天，上至色究竟天，雨種種香花，遍滿佛剎，作莊嚴不？」

※五淨居天：色界第四禪，證不還果之聖者（阿那含果）所生之處，有五地：一、無煩天，無一切煩雜之處。二、無熱天，無一切熱惱之處。三、善現天，能現勝法之處。四、善見天，能見勝法之處。五、色究竟天，色天最勝之處。

※《俱舍論頌疏論本》第八卷云：「此五天，名淨居天，唯聖人居，無異生雜，故名淨居。」

○汝寧復聞無量壽佛，大音宣布一切世界化眾生不？阿難對曰：唯然，已聞。

※《大智度論》卷三十云：「佛音聲常能遍滿十方虛空。」

問曰：若佛音聲常能遍滿，今眾生何以不得常聞？

答曰：眾生無量劫以來，所作惡業覆，是故不聞。譬如雷電霹靂，聾者不聞，雷聲無減。

佛亦如是，常為眾生說法，如龍震大雷聲，眾生罪故，自不得聞。如今世人精進持戒者，於念佛三昧，心得定時，罪垢不障，即得見佛，聞佛說法音聲清了。」

○彼國人民，有胎生者，汝復見不？

※《略論安樂淨土義》云：「邊地者，言其五百歲中，不見聞三寶，義同邊地之難，或亦於安樂國土最在其邊。胎生者，譬如胎生，人初生之時，人法未成。邊言其難，胎言其闇，此二名皆借此況彼耳，非是八難中邊地，亦非胞胎中胎生。何以知之？安樂國土，一向化生故。故知非實胎生，五百年後還得見聞三寶故，故知非八難中邊地也。」

○若有眾生，以疑惑心，修諸功德，願生彼國，不了佛智、……無等無倫最上勝智。

※《佛說無量壽經義疏》云：「初言不了佛智，此句是總。不思等別，佛智淵深，餘不能測，名不思智。佛智眾多，非言能盡，言不可稱。於諸法門，知之窮盡，名為廣智。位分高出，名無等無倫最上勝智。」

○此諸眾生，生彼宮殿，壽五百歲，常不見佛，不聞經法，不見菩薩聲聞聖眾。……謂之胎生。

※（唐譯本）《大寶積經》卷第十七·無量壽如來會云：「佛告彌勒：如是如是。……雖生彼國，於蓮華中，不得出現。彼等眾生，處華胎中，猶如園苑宮殿之想，

何以故？彼中清淨，無諸穢惡，一切無有，不可樂者。然彼眾生於五百歲，不見佛不聞法，不見菩薩，及聲聞眾。不得供養奉事諸佛，不得問於菩薩法藏，遠離一切殊勝善根。彼等於中不生欣樂，不能出現修習善法。」

*疑城

※（吳譯本）云：「其人壽命終盡，即往生阿彌陀佛國。不能得前至阿彌陀佛所，便道見阿彌陀佛國界邊自然七寶城中，心便大歡喜，便止其城中。即於七寶水池蓮華中化生，則受身自然長大。在城中於是間五百歲，其城廣縱各二千里。城中亦有七寶舍宅，中外內皆有七寶浴池。浴池中亦有自然華香繞，浴池上亦有七寶樹重行；亦皆復作五音聲。其欲飯食時，前有自然食，具百味飲食，在所欲得應意皆至。其人於城中亦快樂，其城中比如第二忉利天上自然之物。雖爾，其人城中不能得出，復不能得見阿彌陀佛，但見其光明，心自悔責，踊躍喜耳。亦復不能得聞經；亦復不能得見諸比丘僧，亦復不能得見知阿彌陀佛國中諸菩薩、阿羅漢狀貌何等類。」